

Б. Карам

0774 А - Карам. 1975

Б 30

~~Б. Карам. СЕМЕНЛАНЫ И.~~

~~с 302~~

~~16/013~~

ДЖЫРЛА бла НАЗМУЛА

НАЗМУЛА И ДЖЫРЛА
ИЗДАНИЕ ПЕРВОЕ

~~644~~
СЕМЕНЛАНЫ ИСМАЙЫЛ

Г. ЧАЕВО-ЧЕРКЕССКАЯ ОБЛАСТНАЯ
УНИВЕРСАЛЬНАЯ НАУЧНО-ИССЛЕДОВАТЕЛЬСКАЯ
ДЕПОЗИТАРИИ

ДЖЫРЛА бла НАЗМУЛА

~~Киргиз ССР~~

~~494~~


~~1941 г.~~

245хз

ИСМАЙЛ СЕМЕНОВ

ПЕСНИ и СТИХИ

Карач. 1975 А



КАРАЧАЕВСКОЕ ОБЛАСТНОЕ НАЦИОНАЛЬНОЕ ИЗДАТЕЛЬСТВО
МИКОЯН-ШАХАР—1989 г.

КЮЧЮН КЁРГЮЗДЮ

Ленин башчылыкъ этгенди
Ишчилеге тамам аллындан,
Бизни кючюбюз уллуду
Ол къралланы барындан.

Сыйлы Сталини башчылыгыды
Бизни бай джашауда джашатхан,
Къызыл аскерни уллу кючюдю
Бизни джауладан сакълагъан.

Тамыры бла къруруду
Ол залимлени патары,
СССР—болгъанды
Уруннъанланы анасы.

Кишенледен айырыб
Ишчилени тамам джарытды,
Сау дуняны башына
Партия озгъун кючюн танытды.

Джаулукукъ этерге мурат этиб
Тахса къарай келелле,
Ёшюн салыргъа базмайдыла ансы,
Кючлерин салыб кёредиле.

Ильмулу болгъандыла адамларыбыз—
Бизни бир кърал да озалмаз,
Къызыл аскерни уллу кючюн
Сау дуня да хорламаз.

Ёсгенди бизни хар билимбиз
Дуняны чырагъы Сталинибиз!
Бийлик излеген капиталны
Къалдырмай артын кёрюрбюз.

Тенъизледе джюзюб кесин кёргюзе
Кёкледе учалла илачинлеча,
Бегигенди кючлю Къызыл аскер
Чабхан джауну къуш тюгюнлей чачарча.

Ким да базыб къатылмайды,
Къралыбыз кючлю болгъанды,
Джуукъ кирмез бир инсан,
Алчылыкъны алгъанды.

Къоргъашын кибик таулары эритген
Бизни коммунагъа юретген,
Ишчи къоллары эркелетген
Джашасын бизни партия!

Тауладан алтын ийдирген
Тюзледе сабан сюрдюрген,
Джауну от ачыб кюйдюрген
Джашасын бизни партия!

Къурч къалалы партия
Уруннъанлары башчысы!
Капиталгъа ёлюм берген
Къанлылары къаршчысы.

Уллу билимин къоймай джазгъанды
Учителибиз бу Ленин,
Кюч эсдюрюую башчысы
Джашасын миик Сталин!

БАЙЛА БЛА КЪАЗАУАТ

Киимлерими джаматхан эдим анама
Тартыб баргъан эдим мен хайыр излей Лабагъа.

Мен излей эдим анда башыма рысхы, харакет
Джалгъа джарашдырды мени Бостанланы Махамет.

Мен алайда ишими ишлеб башладым,
Ючюнчю айда сенек ишден бошадым.

Джалымы бер—деб, излегимде хыликке этиб
Кетер кюнюмде ариу айтыб, союмларын менден
кюльген эд,
ийген эд.

Саутум болмай темир сенегими учун биледим,
Мен келе-келиб арбачылагъа тюбедим.

Ол кечесинде къош башында къалгъанем,
Хабджюклерими мен арбалагъа салгъанем.

Морх джагъасында биз толу къазан этгенек,
Кече арасында Къарданик кёпюрге джетгенек.

„Прогун“—деб, алды атаманлары мени аллымы,
Джагъы болмасын ой мени джети къаллымы.

Ол умут этгенча биз анъа прогун бермедик,
Биз джолубузгъа акъырын-акъырын тебретдик.

Сюрюб тебрети бизни аллыбыздан къойланы,
Тамам азарлашсакъ онъсузуракъ сойланыр.

Таякъ бла ургъан эди мени нёгерими къашына,
Аямайын салдым мен да аны туура башына.

Къойларыбызны ол ит заранчыла чачдыла,
Нёгерлерим да мени къоюб къачдыла.

Атаман бла сенек къазауат этгенем,
Нёгерлерими мен танъ атаргъа джетгенем.

Зорчула эди аланы ичлеринде джашагъан,
Кулакла эдиле джарлыланы этин ашагъан.

Двоє братів зробиши
ЭКИ КЪАРНАШ БИР-БИРЛЕРИН ТАБДЫЛА

Тенъизлени, суулары джырыб,
Болушлукъ излеб кельгенди,
— Къыйнылыкъдан мени къутхар—деб,
Къарнашындан тилегенди.

Бойнума хамут салыныб,
Джарыкъ кёрмей джашайма,
Эртден, инъир суукъ ушхуур
Къан джыламукъда ашайма.

Джюреги ачыб, тамам аны
Деу кёкюреги тебинди,
Эки къарнашха сеир болуб,
Джер да, кёк да титиреди.

Миллетлени бирикдириб,
Къара зорну чачдырды,
Мушдукъул этиб панланы
Терен кёрге басдырды.

Эки къарнаш биригиб ишлер
Ара мюлькке къалала,
Сыйлы Сталини джарыкъ кюнюнде
Къуанчлыдыла анала.

Джанъыз бир кърал хорламаз
Къызыл аскерни къарыуун,
Узакъ ёмюрге джырлайым
Къызыл тулпарланы саулугъун.

КЪАЧ СУУКЪ

Сабан сундыра, ойнай-кюле
Этдик анда бек заукъ,
Мычымайын кельди бизге
Къаты тукъум бузлаукъ.

Башласакъ керек эди
Андан алгъа бир ыйыкъны,
Балаган тюбюне барыбыз да
Къалмайын джыйылдыкъ.

Балаганда олтурдукъ
Аязымай юч кюнню,
Юсюбюзге кийген эдик
2—3 къат киимни.

Джибиб аман болгъан эди
Нартюх деген сары алтын,
Ишибизни бек джарсытды
Алгъа башлар амалтын.

Машинаны бек кельтириб
Бирден нартюх тубебиз,
Алай ишлей тургъанлай
Аязыды кюнубюз.

Машина бла тюерге
Ол кёзюуде юрендим,
Артыкъ къалгъан ишибизге
Тансыкъ болуб тебрдим.
Кёб къаланса бир джерге
Нартюх дженъиль кебмейди.
Заманы бла джыяргъа керекди
Джылына эки битмейди.
Къуйдукъ таза мюрзеуню
Гёзенибизге къатдырыб,
Тюбюнде къалгъан сабакъларын
Малларыбызгъа татдырыб.

СЕМЕНЛАНЫ ИСМАЙЫЛ ТОХАНА ЮЙЛЕДЕН КЪАРАДЫ

Бир джер юйчюкде джашаем,
Тегереги джаргам, джар болуб,
Алына арба кирмей эди
Аны арбазчыгъы тар болуб.

Мени атам ёлюб, анам асырады,
Кулаклагъа чебкен, джамчы этиб,
Кулакла сюрюу кютдюре эдиле
Мени да хакъсыз джалчы этиб.

Мен чаба, джорта арый эдим
Эки бутуму ат этиб,
Бель кельтюрмейин ишлеем
Терим аркъамы тамчы этиб.

Къызыл байракъ ёрге тургъанлай
Джалын тончугъуму ташладым,
Эркинлик алыб джана, джашнай
Къуанч джырла эте башладым.

Чомарт партияны къурч къоллары
Бизге эркинликлеюлешеди,
Эшикни артында мугур болуб ёсген
Энди чыгъыб халкъгъа селешеди.

Ачханы тархын танымай эдим
Окъутуб тарх танытды,
Джер гёзенчикден чыгъарыб мени
Тохана юйледен къаратды.

Атлыла ойнар арбазым энди,
Сарайыма салкъын ийилиб,
Керилиб джырла джазама тенъле
Терезеледен кюн тийиб.

Эркинликни башчысы партия
Кёргюздю бизге заукъну,
Джюреклерибизге тынчлыкъ кёргюзюб
Санларыбызгъа берди саулукуну.

Такъыр джашаудан бизни чыгъарды
Багъалы атабыз бу Ленин.
Аны осиятын тамам толтургъанды
Къурч большевик Сталин.

КЪАРАЧАЙ ДЖАРЫКЪЛЫКЪ

Кеслери кибик кулакладан
Джашлары къатын ала эди,
Тачанкала бла джуукълары
Алагъа алгъышха бара эди.

Кюеу джёнъерле бара эдиле
Ажирлеге миниб къуулуб,
Джарлыланы къызлары тура эдиле
Тойну артында бугъунуб.

Уллу мюлькле ёсдюре эдиле куакла
Джарлыланы тер къыйыны бла,
Джарлы къыз чыгъыб сыйырса
Бай джаш тебсемей эди аны бла.

Тюз ол тенъликни тартаргъа
Ишчи-элли бек сюдю,
Къара тубан аязыб кетиб
Къызыл джайылта кюн тийди.

Гитче-Къарачай, Архыз аягъы
Кенъ джайылыб эль болду,
Залимликле думп болуб,
Уруннъанла тенъ болду.

Къабыргъаланы сюргенни къойдукъ
Сюйген тышына кёчеди,
Джарыкълыкъ ишибиз хаман джашнаб
Кюнден-кюннъе ёседи.

Бизде сайлама къойчула
Тыш къралланы озалла,
Эркинликде, артдан къараўчу,
Бююн алчы къызлалла.

ИТЛЕГЕ ИТ ЁЛЮМ

Терсликлери дженъилиб
Бизден къораб кетгенле,
Кеслерин субай кёргюзюб
Таша джаўлукъ этгенле.

Кёб планла салдыла,
Ага джуртну сёгерге,
Капитал боюнсахагъа
Энтда бизни джегерге.

Ана джуртну теблерге
Ара джашаўну чачаргъа,
Партиябыздан айырыб бизни
Тылпыўсуз этиб тохдаргъа.

Къызыл джаннъан кърурч наркомубуз
Бетсизленнъен джоббуну табды,
Верховный Суд аны болумун айгъакълаб
Аланы джер юсунден къроратды.

Алача къролгъа тюшедиле
Къралны сёккен ач итле,
От болуб кеслерин кюйдюредиле
Кеслери этген терсликле.

Кесибизге къаты борч салабыз
Юзерге аланы юзюклерин,
Мындан арыда къоратырыкъбыз
Къралны аллай итлерин.

Кирди этген ишлери,
Кёрюб болмаз сыныкъды,
Бютеу джерни юсюнде
Коммунизм боллукъду.

Кече джатмай, кюн тохдамай
Къурутурбуз къанлыланы,
Насыблы джашауда джашарбыз
Миллионла бла джылланы.

Ана джуртда хар битим
Бирча къызыл чакъгъанды,
Джашасын алчы партия
Бизге джашау ачханды!

ТУРИСТЛЕГЕ

Джюрюулери джур киикке ушайды,
Бир къарасанъ къая ранны тубюнде,
Бир къарасанъ къар тауланы башында,
Миик тѣббеледе, джитиде.

Хар кюн сайын къаум-къаум баралла,
Тау тѣббеледе, джитиледе,
Мекамлары—шатырла агъарады
Къабыргъалада, чегетледе.

Миик тауланы башын агъарталла,
Ишлеб анда шатырла-къошла,
Окъуугъа, ишге джигитле
Къындан чыкъгъан джити къылычла.

Ётгюр джигитлени азда тыймазла
Чынъыл къаяла, джар къулакъла,
Таўкель джюрекли, батыр туристле
Таш къанъагъа темир ыргъакъла.

Сюлеўсюн кирмеген тик къаялагъа
Ёрлеб тогъай ызла салалла,
Берильген борчланы толтуруб
Уллу ёсюм алалла.

Къан ичиўчю бандитлени
Уатабыз, къоратабыз,
Алдаб тургъан кир итлени
Узакъ сюрербиз, кенъ къуабыз.

Хар адам окъуў алгъанды
Къаранъылыкъ артха къалгъанды,
Бу насыблы кенъ джашаў
Бизни ючюн болгъанды.

ДЖАШАЎ АЧЫЛДЫ

Къаранъы ёмюрню узагъына
Къыйынлыкълада джашалла,
Совет властны кючю бла энди
Чирик джолланы ташлалла.

Биз бугъоўладан ычхыннъанбыз деб
Бир-бири къолун тутдула,
Аў тюбюнде тотланнъан санлары
Кюн джарыгъына чыкъдыла.

Залимлик этиб тургъанланы
Кёмюр, кюль этиб уўдула,
Къара танымагъан тышырыўла
Энди окъуўлу болдула.

Насыб рысхы джауады бизге
Орта мюлькню тешюнден,
Айырма адамла чыгъадыла энди
Тышырыулары ичинден!

Тышырыула, кѣб термильгенле
Зорлукъ тюбюнде тартына,
Бизге жарыкъ кюнню тириген
Джашасын бизни партия!

Бегигенди совет власт
Джокъду бир затдан да кьоркъуу,
Уллу ёсюб барады
Къралыбызны окъуу.

Ишлениб тамам хазыр болгъандыла
Аэроплан этген заводла,
Кюнден-кюннъе ёсюб барады,
Джарыкъ джашауда хар загда.

Окъууну кьолгъа алайыкъ аланла,
Окъууду джигитликке джетдирген,
Миик Сталин, сыйлы партия.
Алагъа хали юретген.

„ГУЛОЧ“

Джай айлада айланады Гулоч
Къойла къыйырында болуб къаранчха,
Сау онбеш джылны болгъанды Гулоч
Кулакла кьолуна барамта.

Гулоч таякъла этеди
Ариу жарашдырыб кириуге,
Гулоч бюгюлюб джюрюдю
Эртден сайын сюрюуге.

Буз айраны, суукъ гырджыны
Джагъасында мельте тыджыны,
Къой манъыраса къобуб чабыу—
Олду аны маджалы.

Джай, кюз айлада Гулоч
Къойла къыйырында сир болуб
Къыш да этеед сдауатда гѣзет
Киимлери мельте, кир болуб.

Сюрюу ызындан джюрюед Гулоч
Эки табаны ашалыб,
Гузаба ашасд зауаллы Гулоч
Бузлагъан гырджындан чачайыб.

Къойла къыйырында ол джазыкъ Гулоч
Къой юрксе дженъиль биледи,
Эки инчигинде буз токъмакълагъа
Кулак кенъден къараб кюледи.

Къыш айлада джарлы Гулочну
Тону болмайын чебкени,
Санларын этди джель ауруу
Къыш аязгъа кебкени.

Гулоч турады къойла къыйырында
Билек джасдыкъгъа таяныб.
Юйюн унутханды джарлы Гулоч
Кулакны сѣзюне инаныб.

Къыш айлада джылкъыда джырлай
Усда болгъанед джырларгъа,
Аuzu ариу, джюреги къаллы эд
Кулаклагъа, байлагъа.

Кулакда тубсюз ѳтюрюк
Кенъден сѣлешед кельтириб.
Ол Гулоч кютеди къойланы
Кесин саудан ѳльтюрюб.

А Н А М

Тогъуз айны мени къарнынъда кельтюрдюнь,
Джумушакъ къойнунъдан иймей джерге
ёсдюрдюнь,
Мени ючюн санларынъы къыйнадынъ, тюйдюнь,
Джулдуз атлы, балдан татлы, ой Анам.
Бешигимде тебретеенъ сен мени
Къулагъымда зынъырлары зынъырдай,
Къуанч болуб, ары-бери чайкъалыб,
Беллау айтсанъ, беллауунъа тынъылай.
Хар кюн сайын къумгъан алыб къолунъа,
Бир амалсыз борч алгъанча бойнунъа,
Сау беш джылны мени ишге алгъанча,
Эркелете, ариу айта къойнунъда.
Отха иймей, суугъа иймей сакъладынъ,
Юй кёгюрчюн къанатларын джабханча,
Беллауунъда сени алгъыш сёзлеринъ,
Джанкъылычдан кюн таякъла ургъанча.
Кулаклагъа джамчы эте тюгениб,
Оракъ кибик, муккур болуб иилиб,
Талай ёксюз отджагъагъа тёгюлюб
Джулдуз атлы, балдан татлы, ой Анам.
Къара тубан басыб, сени юсюнъю,
Бай, бий ашаб сени джашлыкъ кючюнъю,
Бошатмайын тюз къашыргъа башынъы,
Джулдуз атлы, балдан татлы, ой Анам.
Бу хал бла, былай джашай тургъанлай,
Джарлы, джалчы бир къол болуб тебинди,
Сау дуняны джарытыб, джарыкъ кюн тийди,
Джулдуз атлы, балдан татлы, ой Анам.
Энди селешед, сени джашынъ, эркин болуб,
Чайкъалады, хумеллек битген сабанча,
Алтын джулдуз ким да танырча джаш болуб,
Джазгъы чырпы бирден джашиль чакъгъанча.

САБАН ДЖЫР

Къышны алты айына
Колхоз ёгюзлерин бакъгъанды.
Джюрчюн, джуугъум, сабанна
Джанкъоз чыммакъ чакъгъанды.

Джигер тебререм алгъа
Халкъны бютеу уятыб,
Джалкъауда сылтау этеди
Кеси-кесин джубатыб.

Темир къоллу ударник
Ойнай-кюле ишлейди,
Ара ишге бузукълуну
Джаман дженъиль эслейди.

Джалкъау айтады:—Джалынмам,
Мартны таусмайын мен бармам,
Тюз баразагъа бойнуму
Сен айтханча мен салмам.

Джигит айтды:—Хайдагъыз
Болджалны суймейме,
Ишни кючлю этерге
Аллыма кишини иймейме.

УЧИТЕЛЛЕНИ ДЖЫРЛАРЫ

Учителле-учителле,
Халкъгъа хайыр бергенле,
Учителле-учителле,
Сабийлени суйгенле.

Учителле-учителле,
Аузларындады огъуру,
Окъугъанлагъа бузукъ этер,
Адамланы „къонъуру“.

Учителле-учителле,
Сизден сабийле хайыр алалла,
Сабийле аузларындан
Дерсле билиб баралла.

Учителле-учителле,
Сабийлени окъутхан,
Учителле-учителле
Джарыкълыкъны танытхан.

Учителле-учителле,
Акъдан къара танытхан,
Учителле-учителле,
Ильмуну аллына бардыртхан.

ЛЕНИН

Джарыкълыкъны бачхычын
Башчы болуб ишлединъ,
Адам джегиуъчюлени
Ортабыздан тас этдинъ.

Сабийликден башлагъанса,
Урунъанланы суйгенсе,
Тенълик, тюзлюк табдырыр ючюн
Къыйынлыкъла кёргенсе.

Хар айтхан сёзю юреген,
Джауѓъа къылычын-билеген,
Эркинликни бизге кюреген,
Усдазыбыз Ленинди.

Карач. 1975



Джан аямайын кюрешдинъ
Аякъ юсюне салгъынчы,
Тунчугъуб гѣзенледе тураек
Совет власт алгъынчы.

Кельтиргененъ кенъликни
Кетергененъ тарлыкъны,
Берч къоллулагъа бергененъ
Къызгъанмайын байлыкъны.

Кенъеш этдинъ джер тюръмеде
Сен кеси-кесинъ бла,
Россияны тюзетдинъ, бютеу
Тюз оноуунъ, эсинъ бла.

СССР-ге къурч къала этдинъ,
Терезелери алтындан,
Тюръмеде кѣб окъудунъ
Коммунизмни хакъындан.

Сен айыргъан урлукъну
Партия чачды джерлеге,
Сени атынъ бельгилиди
Саулай дуняда элlege.

Чириди юйню мюйюшю,
Къурудуду джаууну турушу,
Ленин ёльмегенди—сауду,
Аллына барады хар иши.

Сюйюб ёсдюргенди
Ленинни суйген атасы,
Окъууу саулай къалгъанды
Неди партияны хатасы?

Джер тюръмеде окъудунъ
Ташха джазыб дерсинъи,
Россияны тюзетдинъ
Кѣб къыйнасанъ да кесинъи.

Джер тюръмеде окъудунъ
Кесинъ-кесинъе дерс бериб,
Зорчуланы тас этдирдинъ
Урунъанлагъа эс бериб.

Джарыкъ закон ишлединъ
Джукъламайын таяныб,
Бирлик джашау табханбыз
Эркинликке къуаныб.

Кишенледен халкъ ычхыныб
Джер эркинликке кельгенди,
Бу кенъ джолну бизге ишлеген
Ленин усдаз ёльгенди.

Капитал темир тауъга джыйгъан эди,
Бизден джашауну кетерирге,
Биригейик, джолдашла!
Ленинни айтханын этерге.

Ленин бегитген темир джол
Хар капиталистге ёлюмдю,
Баш эркинликке чыгъаргъан
Багъалы усдаз Ленинди.

Линин джашайды ёльмей
Хар тюрлю ишни кёкюрегинде,
Узакъ планы бар эди
Аны джюрегинде, кёлюнде.

Ленин кеси кетсе да
Юльгю къойгъанды ёльмезге,
Мельхум джашауну къоюб кетди
Сыйлы Ленин бизге.

Аны иши барады
Джукъусуз кюн-кече,
Кюнден-кюннъе коммунаны
Джашауу аллына ёсе.

Бириккен джашау алгъанбыз
Иги эт Ленин кёлюнъю,
Осиятын сакъла, тамада усдаз,
Тамада усдаз Ленинни.

Сени ёлюгюнъ тынчаяд Ленин,
Мермер кешенени ичинде,
Сенден онълу чыкъмагъанды
Сау дуняны юсюнде.

ЮЧЮНЧЮ БЕШДЖЫЛЛЫКЪНЫ ДЖАЗЫНА 1938 ДЖЫЛ

Кечикмейик биз ишге
Гузаба этейик заманнга,
Джылладача болмайын
Эртде барайыкъ сабаннга.

Сабан сюрюб бек битсе
Олду бизде ашау да,
Сталинни айтханын-сёзюн
Бардырыбыз джашауда.

Плугланы джарашдыр,
Аны кибик къарлауун,
Юч къат этерге керекди
Заманында тырнауун.

Сталинни сёзю бла этейик
Ючюнчю бешджиллыкъны,
Аграномнга къаратыб салайыкъ
Бурчакъ кибик урлукъну.

Кель ашаб этсек биз аны
Борчуду уллу битерге,
Башы джанъы чакъгъанлай
Ал чагасын этерге.

Къурч беллиле айырырла
Эринчекни, аманни,
Ол багъыўдан багъарбыз
Къын этгинчи сабанны.

Муруккусуз ишлейик
Ишни кельгенди аягъы,
Уакъ сюрген, кюль тѣккен
Сабанланы къуймагъы.

Тамадала айырылсынла
Сабанны юсюнде хар ишге,
Кель, джолдашым, чакъырама.
Битим алыргъа эришге.

Ичинде мюрзеў болмаса
Хайыр джокъду алтын къаладан,
Уллу битимле алыргъа
Мен сѣз береме бир гадан.

КОНСТИТУЦИЯНЫ ЮСЮНДЕН

Аякъ юсюнде иги кесек турдула
Ала алларын трибунагъа бурдула.
Къоллары бла харсны кючлю къакъдыла,
Усдала къуанч сыбызгъыны тартдыла.

„Джашасын Сталин“ деген таушла.
Бир тамакъдан юрюлюб чыкъдыла,
Сталиннѣе къуанчны
Миллет алгъышлаб айтдыла.

Миллетле алгъышлагъанлары
Къонъураў къакъгъаннѣа ушады,
Башчыбыз Сталин джолдаш
Этген законун айтыб башлады.

Эски, чирик адетлени
Буз тьюне быргъадыкъ,
Уруннъанла джашарча
Джанъы джашауну къурадыкъ.

Партияны кючюнден
Къыйынлыкъ бизден атлады,
Джарыкъ джулдуз Сталин
Трибунагъа миниб тохдады.

Сталин айтды айтырын
Джарыкъ чыгъыб ауазы,
Этильген буйрукъгъа болду,
Халкъ бютеу да ыразы.

Джанъы къураб башлагъаныкъда
Къарыусуз эди кючюбюз,
Артдан-артха дженъиль ёсдю
Бизни ара мюлькюбюз.

Эте бильгенибиз себебли
Хар ишибизда табына,
Алгъындан эсе кёб кере
Мюлькюбюз ёсенди аллына.

Сталин джазгъан кенъ джашау
Бизге уллу кючню береди,
Къанлыланы кёзлеринден
Къан джыламукъла тёкдюреди.

Джыртхыч кюпселе, сатыучула
Арабыздан кюрельдиле,
Аланы орунларына уруннъанлагъа
Совет тюкенле кельдиле.

Ол себебден социализм
Бириккен кюч бла хорлагъанды,
Эркинликни къурагъаны
Энди кимге да туру болгъанды.

Кризис бла ишсизлик
Бизге къайтмазгъа кетгенди,
Ишчи халкъ да муратына
Биз къралда джетгенди.

Социализм джашасын
Садакъачылары къралдыргъан,
Урунъанлары рысхылы этиб
Хаман джарыкълыкъгъа бардыргъан.

Джашасын Сталинибиз
Конституцияны чыгъаргъан,
Джашасын большевиклени бирлиги
Урунъанлагъа эркинлик табдыргъан.

Джашасын Конституциябыз
Джер юсюнде биринчи,
Джашасын Сталинибиз
Урунъанлары эркечи.

ДЖАНЪЫЗЛЫКЪДА ТЕРМИЛЬДИМ

Джанъыз джюрюй, джанъыз джюрюй
Джарлы джанымдан тойгъанма,
Джанъызлыкъны атыб кьоюб
Энди колхозчу болгъанма.

Джанъыз джаудан кыйынды
Мен джанъызлыкъны сынадым,
Бир ишими да битдиралмай
Къычырыкъ этиб джыладым.

Джанъызлыкъдан кыйын кърмедим
Джарлы таныйды кърарыуун,
Чёб бармакълыкъгъа ушатама
Ишини алына барыуун.

Джанъыз джюрюй, джанъыз джюрюй
Кёр балтача туююльгенем,
Ол хыйсабдан кулакка ишлей
Гулоч кибик ийильгенем.

Сау юч джылны кюрешиб
Эски юйюю джамадым,
Таш кертмени чайнагъанча
Джанъызлыкъдан къамадым.

Бойнум бла илькич ташый
Имбашымдан тюгендим,
Отуз биринчи джылымда
Санларымдан джюгендим.

Колхозлагъа бириккенден
Джанъызлыкъны ташладым,
Ойнай, кюле, чагъа, джашнай
Заукъланыб башладым.

УДАРНИК КЪЫЗЛА

Ударник къызла баралла
Чыкъ кебгинчи дырыннъа,
Керти юльгю болалла
Хар иште да джыйыннъа.

Ишден артына тура бильмейле
Эм къуанчлы иш этелле,
Иш тизгинледе бузукълукъланы
Джолларын къысха кеселле.

Ударник къызла кюрешелле
Кеслерин ишге юретиб,
Ишчи къызла тебрейле
Билеклерин ёрге этиб.

Ударникле кюрешелле
Ишни барыр джанындан,
Джалкъаулары алгъа салсанъ
Дженъиль джаллайла аллынъдан.

Ишчи къызла болалла
Барысы бир иннетли,
Ударникча ишлеуге
Чакъыралла миллетни.

Ишчи къызла эрикмей
Бир къол болуб кечикмей,
Кулакладан аллыгъынъ, болса
Бермей эдиле термильтмей.

Ишчи къызла ишлей кириб
Ёгюз гебенле сюелле,
Иш аллына барсын дегенни
Сюймегенле кёб элле.

ВЕРХОВНЫЙ СОВЕТГЕ

Биз барабыз къуанч эте
Джанъы джашау адетге,
Тыйыншлы адамла айырайыкъ
Верховный Советге.

Бай джашауну буйругъун
Сталин къолу бла бегитди,
Туугъанындан, ёсгенинден ол адам
Тинтилирге керекди.

Биз танырбыз джолдашларым,
Коммунаны ариу кёргенни,
Айырыбыз биз советге
Тюз ишлеген джигерлени.

Сталинни башчылыгъыды
Чирик адетлени къалдыргъан,
Бизге джарар тамадагъа
Коммунаны бардыргъан.

Сталинни алчылыгыды
Бизни джашауҗа юретген,
Татлы сёзлю, таб оноулу
Халкъны джолҗа тюзетген.

Кече джатмай, кюн турмай
Джигит болсун джорюшю,
Айтхан сёзю халкъҗа синънъен
Уллу болсун билиши.

Хомух адам керек тюльдю
Болсун ишге ол джигер,
Тик сёзлю иш этдирмез
Сёзге болсун бек чемер.

Джюрекlege этген оноуу
Айтханы алагъа джайылҗан
Аллында кельген хар адамны
Джарыкълыгыны айырҗан.

Ишчилеге джагъылсын
Ёхдем болмай алаша,
Ариу кёрюнсюн урунъанланы
Барына бирча джараша.

Биз излейбиз ол адамладан
Бу айтылҗан кылыкъны,
Сёзде болмай иште толтурсун
Ленин айтхан буйрукъну.

Бийликни бошадкъ энди
Урунъан кьолла ашасын,
Джанъы джашауну бизге чыгъарҗан
Иосиф джолдаш джашасын.

СЮРЮЧЮНЮ ДЖЫРЫ

Ол заманны уу законлары
Урунуучуну алджата эди,
Окьюусуз, мюльксюз ёмюрю джарлылыкъда
Къара джашауда джашата эди.

Тюрлю-тюрлю артыкълыкълары
Джакъсыз джарлыны баса эди,
Онъсуз, мюльксюз ол дуняда
Зорлукъда бѣлюнюб джашай эди.

Миллетлени бирин-бирине
Эт бла бычакъ эте эди,
Джарлы халкъланы къанларын тѣгюб
Аур къыйынлыкъда инджите эди.

Миллетлени арасында
Джарашыуъсузлукъ бара эди,
Мал сюрюу, адам ёльтюрюу
Джигитликке санала эди.

Таула башы тогъайла
Тегереги чынъыл джар эди,
Кичгине Къолну ичинде
Кюз къойчулары бар эди.

Кюн аманла бола эдиле
Джайлыкъны джауум тута эди,
Кѣб зрлукълагъа, артыкълыкълагъа
Кюн мыдахланыб бата эди.

Танъ халкъладан, тау ауушлада
Кѣб къан да джерге тѣгюле эди,
Таулары артыкълыкъ толтуруб эди
Гузлугъ'а джокъ эд кѣрюнме эди.

Къоркъуулу эди джашаргъа
Джайлыкълада джарлыгъа,
Эки хаюаны болса да
Ёлюм джуукъ эди алагъа.

Кюнледен бир кюнюнде аманлыкъчыла чабыб
Сау сдауатны сюрдюле,
Къошлагъа къалмай от салдыла
Кѣб адамла да ёльдюле.

Табылгъан болуб барында
Къоймай сюрюб кетдиле,
Ёлюмден къутулгъан эки джаш
Кёб халкъгъа къууѓун этдиле.

Ёлюмден къутулгъан экиси
Элни къууѓуннъа сюрдюле.
Алай'а джаула малланы барын
Кеслерине ётдюрюле.

Аманлыкъчы аскер къошлагъа чабыб
Мал адам да къоймай сюрдюле,
Хоншула зорлукъ чабыуулну барын,
Къарачайгъа бильдирдиле.

Халкъ муруккусуз юрюлюб
Ызларындан къысха джетдиле,
Ачыулу къаранъы адамла
Джауланы аллына ётдюрюле.

Тёгереклерин алдыла
Бир джанына да иймедиле,
Аманлыкъчыла тохдадыла
Къалай ётерге бильмелле.

Чат аузда башланды
Шок атыу алапат,
Сау кюнню узунуна барды
Къаранъы, къанлы къазауат.

Къаралыб мыдах булутла
Кёкке тыб-тыкъ болдула,
Ёзенни болгъан мююшлери
Къанлы даурдан толдула.

Кюнню талай саѓатына
Къоралла джерден талай джанла,
Джашилъ хансны джарыкъ бетине
Тёгюльдюле къызыл къанла.

Артдан да келиб кьошулуб,
Аманлыкъчыланы хорлалла,
Сюрюлюб кетген малларын
Барын кьолларына алдыла.

СТАЛИНДИ

Сабийлик, джашлыкъ кюнюнден башлаб
Белине кылыч байлады,
Патчахлыкъны заманында
Тюръме кыйынлыкъ сынады.

Къачхынчылыкъда, кьоркъунчда
Кёб джылланы айланды,
Джуртубузну кирин ариулауда
Чёрчекликде сайланды.

Къадама тюръмеле тыймады
Болумун толу табдырды,
Тюрлю-тюрлю атла атаб
Дагъыда ищлеб башлады.

Къазауатда, кюрешледе
Аскерледе башчы болду,
Партия, Ленин салгъан борчланы
Деменъили, кирсиз толтурду.

Кеси кибик тулпарла бла
Совет властны бизге салгъан,
Къанлы законну заманында
Хар тюрлю кыйынлыкъда болгъан.

Аны бла бизге кир бутакъланы
Аны джуртдан кюйдюрюб кзурутхан,
Арымаз санланы, талмаз башы бла
Джер юсюне кесин танытхан.

Ленинни биринчи сохдасы
Аны ишин эм бек толтургъан,
Бютеу урунъанланы атасы
Россиягъа тенълик табдыргъан.

Ленинни осиятларын
Деменъили толтургъан,
Джерни алтыдан биринде
Социализмни болдургъан.

Кеси къолу бла саў дуняда
Биринчи тулпарла ёсдюрдю,
Ата джуртну ичинде
Джюз шахарла этдирди.

Бизни къралны ичин бютеу
Темир, таш, суў джолладан толтурду,
Саў дуняны юсюнде
Биринчи аскер болдурду.

Сталинди биз къралны
Мюрзеуден, малдан толтургъан,
Миллионла бла ударникле ёсдюрюб
Ара мюлькню миикке салгъан.

Сталинчи джарыкъ джашаўду
Минъ-минъ стахановчу сакълагъан,
Кир джоббуланы къурутуб, чачыб
Кюн-кюнден хорламлагъа бардыргъан..

ДЖАШ ТЁЛЮНЮ ДЖЫРЫ

Залимликни киритлерин
Уатыб кельгенбиз,
Эркинликни безгилерин
Кенънъе кергенбиз.

Къуанчыбыз юсюбюзден
Бир джары таймаз,
Бир кърал да биз къралгъа
Къоркъмай къатылмаз.

Кечелени бизден ары къоратыб
Джарыкъ кюнню джылтыратыб тийирди,
Бу байлыкъны джарыгъына чыгъаргъан
Сталинни тамам джигитлигиди.

Ленинни осиятлары

Колхоз мюлькню къурар ючюн
Къанла тѣккенбиз,
Къаяланы чачыб машинагъа
Джолла этгенбиз.

Къуанчыбыз юсюбюзден
Бир джары таймаз,
Бир кърал да биз къралгъа
Къоркъмай къатылмаз.

Батырлыкъны байракъларын
Кючлю тутханбыз,
Къралладан тулпарлыкъ бла
Алгъа чыкъгъанбыз.

Къуанчыбыз юсюбюзден
Бир джары таймаз,
Бир кърал да биз къралгъа
Къоркъмай къатылмаз.

БОЛМАГЪАНЫ БОЛДУРДУЛА

Июнну 23-де къайырылгъангъа бек кючлю
тукъум

Ол къаджыкъмайын къраршчыды,
Хар къралдан да
Бизни къралыбыз узакъ узун башчыды.

Мыдых джандыргъанлай таймаздан
Турабыз къанлылагъа эм джаулагъа,
Бу бѣлек джигит къалай ёрледиле
„Джан“ минмеген бузлу таулагъа.

Сау дуня келиб алайгъа
Бек сеир этиб къралла,
Джер тѣббеден тик ёрге
Ала сау сутканы баралла.

Джайны танымагъан кыйын таў
Джигитлени бизге танытды,
Гюрюльдетиб кёклени
Аэропланны къанаты.

Аллай айырма джигитле бардыла бизде
Алчылыкъгъа юреннъен,
Къангъа булутланы ичлерин джарыб
Чыгъыб джулдузлагъа тирельген.

Уллу бузлу таўну юсю былады
Джер тёббени миик аушу,
Джаў къралланы джюрегин аздыргъан
Къурч къанатланы таушу.

ТЫШЫРЫЎЛАГЪА

Эркишиле джашагъандыла
Тышырыўланы джылата,
Тышырыўла болуб тургъандыла
Меджисуўлукъда барамта.

Сёз сёлеширге адет джокъ эди
Къайындарындан уялмай,
Орамда джюрюр амал табмай эди
Ол бетин джабмай, аў салмай.

Тышырыўла кёб термильгенди
Патчах законну буюруб,
Тиллери бардан тильсиз болдула
Ала тыбырдан чыкъмай унугъуб.

Залим къолунда джашай эдиле
Ала мугур болуб, джегилиб,
Социализмни джандетинде
Эмда ала джашайдыла керилиб.

Эрге эркинлик бар эди
Эки-юч къатын алыргъа,
Малны сатханча сата эдиле
Тышырыулары ачхагъа.

Адам улуулагъа сеир тюльмеди
Джулдузлагъа чыгъыб айланъан,
Къалгъан къраллары ичинде бла
Тамам джигитликке сайланъан.

ЛЕНИННИ НАКЪУТ-НАЛМАЗ СУРАТЫ

Сталинибиз тамам толтурду
Ленинни этген муратын,
Микоян-Шахарда салдыла
Ленинни сынын-суратын.

Джарыкъ джашау ачдынъ
Накъут-налмаз жаннъанча,
Суратынъы биз алай кёребиз
Кесинъ сёлеше тургъанча.

Тутабыз сени этген законунъу
Бельгилерибизни бегитиб,
Сени сыйлы суратынъы
Бютеу дуняны нюр этиб.

Джигит партия джуаблыды кеси
Хар ишде алгъа барыргъа,
Адам улу бары джыйылыб келеди
Сенден тансыкъ алыргъа.

Биз зорлукъланы уруб уатханбыз
Эркинликни къолгъа тюшюрюб,
Мермер ташдан аны сарайы
Накъут-налмаз бла эшилиб.

Миик Сталинни башчылыгыды
Къраллагъа кесин танытхан,
Сени кюнтийгенча джарыкъ суратынды
Сау дуняны джарытхан.

Багъалыды сени бизге сёзлеринь
Джюрек тамырдан джуукъду,
Сау дуняны башында
Колхоз джашау боллукъду.

Берчли къоллагъа къалыб кетерикди
Бютеу капиталны тоноуу,
Миллион джылладан узакъгъа джашасын
Ленинизмни оноуу!

ПУШКИНЪЕ

Теньликни сыйлаб джырла джазаед
Аны болуру анъа билиниб,
Пушкинни иши джашайды
Хар джюрекде суйюлюб.

Зорлукъ властны тубюнде Пушкин
Аз ёмюрюн ийгенди,
Хар назмусунда, джырында
Теньликни керти суйгенди.

Онъсуз халкъ зорлукъ кёрген чакълы
Пушкин бек суратлагъанды,
Бугъоу салгъан зорлукъ властны
Бек таукель айгъакълагъанды.

Пушкин бизге кьойгъанды
Пахмусун, акъылын сауъгагъа,
Пушкин бельгили болгъанды
Таланты бла дунягъа.

Совет властны кьураргъа
Джогъед Пушкинни билими,
Патчахлыкъны кьурутургъа эд
Пушкинни хаман суйгени.

Аны этген бичими
Джашауъгъа тюз кельгенди,
Мындан алгъа джюз джылда ол
Бу кенъликни болдурлугъун бильгенди.

Сау дуняда джазыучуладан
Ол узакъ узун баш эди,
Зор ёмюрню залиминде
Къыйынлыкъ бла джашай эди.

Патчахлыкъны зорлукъ ишлери
Къамчи тюбуне джыйгъан эд,
Сени тенъиз кибики уллу пахмунъу
Басдырыб чыгъармай тыйгъан эд.

Клублада суратларынъ
Сормагъанлай танытад,
Китаблада сёзлеринъ
Кюн тийгенча джарытад.

Сёзюнъ тутаяд бир-бирин
Кюмюшге къарасаут салгъанлай,
Ёмюрлюк китабла джазгъан
Бизге, кесинъ къолунъа алгъанлай.

Кёбюб-кёбюб къайнай эди,
Ётгюр джюрегинъде безлеринъ
Зорчу патчахны къалтырата эди,
Сени китаблада сёзлеринъ.

Ёхдем джюрегинъ ол мурдарлагъа
Къаршчы эди къылыч ургъанча,
Суратынны кёрсек къуанабыз
Бюгюн туруб сёз сёлеше тургъанча.

БАЛЧИБИНЛЕНИ ДЖЫРЛАРЫ

Балчибиним, балчибиним
Байлыкъ тартады башына,
Балчибиним, балчибиним
Болушлукъ этеди хоншугъа.

Балчибиним, балчибиним
Эртден сайын кетеди,
Балчибиним, балчибиним
Отлаб балла этеди.

Балчибиним, балчибиним
Белинде джюрюйдю артмагъы,
Балчибиним, балчибиним
Чыкъда табылыр сокъмагъы.

Балчибиним, балчибиним
Уруннъанындан береди,
Сельпи чибин къауз тартады
Къагъыбал чибин ёледи.

Сельпи четен тамам тюзельсе
Джылына ол юч къозлайды,
Къагъыбал чибин къарыуъсузду
Аны къарыуу болмайды.

Чибин агы болса да
Ол этер ишин биледи,
Малгъа къотур киргенча
Четеннъе кюе киреди.

Балчибиним, балчибиним
Кюндюз кетиб айланнъан,
Эринмейин кюрешиб
Этген иши сайланнъан.

Бал четен бек кѣб болады
Чырмалмайын тюзельсе,
Чибинчигим чыгъалмайды
Джанъур урса, джель кельсе.

Чибинчигим айлана кетиб
Сыртны-къолну сынатыр,
Къатылама дегенни
Кючлю уруб ачытыр.

СЕРГО ДЖОЛДАШХА

Мен сениѣ назму этеме энди
Хакъ джюрегим бла, кѣлюм бла,
Сен сабийликден бери ишлегенсе
Эм тамадабыз Ленин бла.
Умутунъу джашаўда бардырыбыз, Серго!

Къралны салдынъ аякъ юсюне
Ленин айтханны бардырдынъ,
Джарыкълыкъ ачдынъ сен саў дунягъа
Эски адетлени къалдырдынъ.
Умутларыны джашаўда бардырыбыз, Серго!

Урунъанланы этгенсе энди
Малдан, джерден юлюшлю,
Джудуз джанъанча бельгили эдинъ
Къурч билекли, деў кючлю.
Умутларыны джашаўда бардырыбыз, Серго!

Грузияда туўгъанса Серго!
Ёксюзлюк бла ёсгенди,
Абадан болуб, эс айырыб
Андан согъумгъа кѣчгенди.
Умутунъу джашаўда бардырыбыз, Серго!

Бир джарлы адамны джашы болгъанды
Джашагъанды мутхуз юйледе,
Ол бизни ючюн кыйынлыкъ кѳргенди,
Кѳб тургъанды тюрьмеде.
Умутунуу джашаууда бардырыбыз, Серго!

Айырма, джигит адам эди
Хар иште алгъа барыргъа,
Сталин бла бирге башчы эди
Къызыл байракъны салыргъа.
Умутунуу джашаууда бардырыбыз, Серго!

Сен ишлеб кетген коммунизмни
Биз сау дунягъа джаярбыз,
Бийлик джашаууну биз хар къайда да
Артын юзюб къоярбыз.

Умутунуу джашаууда бардырыбыз, Серго!

Булутладан джылтыраб кюн тийгенча
Джашаууну аллына кельгени,
Джангы джашаууну Сталин ачды
Серго да болуб нѳгери.

Умутунуу джашаууда бардырыбыз, Серго!

Деменъили буйрукъ джазгъанса
Патчахлыкъны тамырын къуу этиб,
Бир джюрек аруу тийген эди санъа
Туу санларыны суу этиб.

Умутунуу джашаууда бардырыбыз, Серго!

Кече джукъламайын оноу эте эдинъ
Джигитликден эм бѳгекден,
Къысха аруу тийген эди санъа
Джюрегинъ бла бюрекден.

Умутунуу джашаууда бардырыбыз, Серго!

Сен ѳльмегенсе, бир бушуу этме
Этген муратларыны бегиди,
Дженъиль саламлашхан ариу суратыны
Бизни кѳзюбюзден кетмейди.

Зорлукъну чачыратхан
Джарыкъ джашауҕъа „джан“ салҕъан.
Къралны ичинде
Кюн тийген кибик танытхан.
Умутунъу джашауҕъа бардырыбыз, Серго!

Эсге алайыкъ сени сёзлеринъи
Бир сёзюнъ бир эль баҕъасы,
Миллионла бла ёмюрлеге барыр
Аны бизге къойҕъан сауҕъасы.
Умутунъу джашауҕда бардырыбыз, Серго!

Ёшюн салҕъанланы барын эзиретир
Джауҕъа хазырлагъан деу кючюнъ,
Кюнден-кюннъе ёсюб барады
Сен умут этген хар ишинъ.
Умутунъу джашауҕда бардырыбыз, Серго!

Тюзельгенди бизни адам тёллюбюз
Бириккенди энди элибиз,
Сен тутхан бегимлени
Саулай дуняҕъа берирбиз.
Умутунъу джашауҕда бардырыбыз, Серго!

Унькулукъну ол керн атды
Капитализмни къалтыратды,
Коммунаны джылтыратды,
Дуняҕъа кесин танытды.
Умутунъу джашауҕла бардырыбыз, Серго!

Джауну алҕъанбыз тегерегин
Саллыкъбыз аланы биз кёрге,
Сен этген муратланы
Кельтюрюбюз биз ёрге.
Умутунъу джашауҕда бардырыбыз, Серго!

ПАРТИЯГЪА

Мутхуз бетле джарыды
Джарыкъ джашауҕа къуана,
Сенсе сыйлы партия
Юльгю берген дунягъа.

Сени кючюнъ бла болгъанды
Колхозларыбыз маллыла,
Сенсе сыйлы партия
Кюнню тийирген дунягъа.

Эркинликни бергенсе
Унугъуб ёсген къоллагъа,
Сенсе сыйлы партия
Чыгъаргъан бизни дунягъа.

Ичибизден тас этгенсе
Джаннъан от чачыб джаулагъа,
Сенсе сыйлы партия
Хурмет берген дунягъа.

Джылы тийген кюнюбюздю
Октябрь дейле атына,
Саулуку берген уруннъанлагъа
Джашасыи сыйлы партия!

Окъуу джашау ачханды
Джау чырагъыбыз бу Ленин!
Ишчилени бирикдирген
Джашасын миик Сталин!

Кёкледе ойнайд машина
Булутла аны ашыра,
Совет властны салырбыз
Саулай дуняны башына.

Буржуазияны чачарбыз
Хауагъа джолла ачабыз,
Бизге ёшюн салгъан джауъланы
Тамыры бла къаблайбыз.

Пролетар къралны джауъларын
Къызыл кюч бла чачарбыз,
Джуртубузну тегерегин
Биз тынъылы сакъларбыз.

Машинала ётдюрдю
Миик тауъланы башына,
Хар эркинликни къолгъа алыб
Салдыкъ капиталны къашына.

Кёкде кёрюнмей учаргъа
Бизни инсан онъламаз,
Джер джюзюнде бир аскер
Къызыл Аскерни хорламаз.

Бизни алчы къурч наркомубуз
Джауъланы артын къурутхан
Джашасын бизни партиябыз
Зорлукъланы къурутхан!

ПРИЗЫВНИКНИ ДЖЫРЫ

Биз барабыз Къызыл Аскерге
Ана джуртну чеклерин къорургъа,
Кёб халкъланы тынчлыкъда сакълаб
Социализмни къурургъа.

Биз барабыз Къызыл Аскерни
Тизгинлерин толтурургъа,
Къоркъунчну, чырмауу узакъ ташлаб
Бельгилерибизни сакъларгъа.

Биз кърнашлыкъда джыйылгъанбыз
Кѣб миллетледен къуаныб,
Джурт сакъларгъа алчылыкъ алырбыз
Тутхан ишибизге „джан“ салыб.

Хауаны тубанча къралтырбыз
Хорламыбызгъа халкъны
сейрсиндирирбиз,
Бизге ёшюн бургъан джауу
Тюб-тамыры бла сибирирбиз.

Тизгинлерибизни ариуларбыз биз
Сыныкъла бла бурушладан,
Кючюбюзню танытырбыз халкълагъа,
Къоркъмазбыз буржуй-къанлы урушладан.

ОГЛАВЛЕНИЕ

	<i>Бет.</i>
Ючюн кѣргюздю	3
айла бла къазауат	4
ки къарнаш бир-бирлерин табдыла.	6
ъач суукъ	7
еменланы Исмайыл тохана юйледен къарады	8
къарачай джарыкълыкъ	9
итлеге ит ёлюм	10
туристлеге	11
джашау ачылды	12
„Гулоч“	13
Анам	15
Сабан джыр	16
Учителлени джырлары	—
Ленин	17
Ючюнчю бешджыллыкъны джазына 1938 дж.	20
Конституцияны юсюнден	21
Джанъызлыкъда термильдим	23
дарник къызла	24
Верховный Советге	25
Сюрюучюню джыры	26
Талинди	29
Джаш тѣлюню джыры	30
болмагъанны болдурдула	31
Гышырыулагъа	32
Ленинни накъут-налмаз сураты	33
Лушкиннѣ	34
балчибинлени джырлары	36
Серго джолдашха	37
Партиягъа	40
Призывникни джыры	41

Ответственный редактор
Т. Ортабаев

Технический редактор
Д. Б. Байрамкулов

Ответственный корректор
М. Т. Гогueva

Сдано в производство 10/III-39 г.
Подписано к печати 1/VI-39 г.
Фор. 70x110¹/₃₂. В печат. листе 81536 зн.

Печ. лист. 1,37


Уч.-изд. 2,8 Заказ № 3077

Уполн. Каробллит К—15797

Тираж 4000

Кароблнациздат № 17.

Проверено 1941



~~Багъ асы 25 н.~~

1638

4к.

На кариачевском языке

Типография Каробанаиздата
Кисловодск—1939 г.